

## *È PURETE*

Rifrin

È purète, sins cravate

Vos p'loz couru su l' bate,

Z-î aler bwêre one jate.

Dins l' câré, vos forbate,

Li nût tchaît byin trop rade,

I-gn-a co à tam'ji

Divant d' rèche foû do nid,

Li nût tchaît byin trop rade,

Li nût tchaît byin trop rade,

I-gn-a co tant à dîre !

Minme si c'èst po mau scrîre,

Li nût tchaît byin trop rade,

Li nût tchaît byin trop rade,

I-gn-a co à sèmer.

Divant qu'on n' p'luche mèch'ner

Li nût tchaît byin trop rade,

Li nût tchaît byin trop rade,

Dji vos l' dî, djè l' constate :

Minme po satchî al cwade,

Li nût tchaît byin trop rade,

Li nût tchaît byin trop rade,

Dj'ènn'a d' trop su mès cwanes,

Vos m' p'loz bin crwêre ; ça m' tane,

Li nût tchaît byin trop rade,

Li nût tchaît byin trop rade,

Ça va co div'nut pîre,

C'èst qu' dji m' tane à vos l' dîre ;

Li nût tchaît byin trop rade.

**Mauj'ni**